



續玉臺新詠卷一目錄

霜風

梧野草堂續編

陳後主

日出東南隅行

三豔婦 二首


舞媚娘

昭君怨

有所思 三首

折楊柳

梅花落



徐陵

洛陽道

關山月

折楊柳

春情

謝燮

明月

祖孫登

詠風

周弘正

詠新婚

張正見

豔歌行

三婦豔

白頭吟

有所思

置酒高殿上

採桑

銅雀臺

怨詩

山家閨怨

薄帷鑒明月

陸瓊

關山月

陸系

有所思

江總

雉子班

携手上河梁

病婦行

蕭史曲

折楊柳

紫騮馬

七夕

蕓詠琴

和衡陽王殿下高樓看妓

吳和張源傷往詩

別袁昌州

沈炯

八音詩

為我彈清琴

劉刪

侯司空宅詠妓

吳思玄

閨怨

蘇子卿

梅花落

南征

顧野王

豔歌行 二首

蘇王臺 吳尚野

詠鄰女樓上彈琴

徐堪

班去趙姬升

荀仲舉

賈銅雀臺

何楫

李班婕妤怨

王嗟

折楊柳

盧詢

王中婦織流黃

李元操

何酬蕭侍中春園聽妓

賀徹

管採桑

續玉臺新詠卷一 目錄

續玉臺新詠卷一

長安鄭振鐸

日出東南隅行

梧野草堂續選

陳後主

重輪上瑞暉西北照南威南威年二八開牖敞
重闌當鑪送客去上苑逐春歸鬢下珠勝月窓
前雲帶衣紅裙結未解綠綺自難微

三婦豔 二首

其一

大婦西北樓中婦南陌頭小婦初妝點回眉對
月鈎可憐還自覺人看反更羞

其二

大婦上高樓中婦蕩蓮舟小婦獨無事撥帳掩
嬌羞丈夫應自解更深難道留

舞媚娘

樓上多嬌豔當窓併三五爭弄遊春陌相邀開
繡戶轉態結紅裙含嬌拾翠羽留眉乍拂絃託
意時移柱

昭君怨

圖形漢宮裏遙聘單于庭狼山聚雲暗龍沙飛
雪輕笳吟度隴咽笛轉出關嗚啼妝寒葉下愁

眉塞月生只餘馬上曲猶作別時聲

有所思 三首

其一

蕩子好蘭期留人獨自思落花同淚臉初月似
愁眉階前看草萼窓中對網絲不言千里別復
是三春時

其二

杳杳與人期遙遙有所思山川千里間風月兩
邊時相對春那劇相望景偏遲當由分別久夢
來還自疑

來墨自錄其三

佳人在北燕相望渭橋邊團團落日樹耿耿曙
河天愁多明月下淚盡鴈行前別心不可寄惟
餘琴上絃

折楊柳

楊柳動春情倡園妾屢驚入樓含粉色依風雜
管聲武昌識新種官渡有殘生還將出塞曲仍
作胡笳鳴

梅花落

金砌落芳梅飄零上鳳臺拂妝疑粉散逐溜似

萍開映日花光動迎風香氣來佳人早挿髻試
立且徘徊

洛陽道二首

徐陵

其一

綠柳三春暗紅塵百戰多東風向金馬南陌接
銅駝華軒翼葆吹飛蓋響鳴珂潘郎車欲滿無
柰擲花何

其二

洛陽馳道上春日起塵埃濯龍望如霧河橋度
似雷聞珂知馬蹠傍幟見薨開相看不得語密

意眼中來

關山月

關山三五月客子憶秦川思婦高樓上當窓應
未眠星旗映踈勒雲陣上祁連戰氣今如此從
軍已幾年

折楊柳

嫋嫋河堤樹依依魏主營江陵有舊曲洛下作
新聲妾對長楊苑君登高柳城春還應共見蕩
子太無情

春情

風光今日動雪色故年殘薄夜迎新節當鑪却
晚寒竒香分細霧石炭擣輕紈竹葉裁衣帶梅
花奠酒盤年芳袖裏出春色黛中安欲知迷下
蔡先將過上蘭

明月

謝燮

杪秋之遙夜明月照高樓登樓一迴望望見東
陌頭故人耿千里言別歷九秋相思不相見望
望空離憂

詠風

祖孫登

飄颺楚王宮徘徊繞竹叢帶葉俱吟樹將花共

舞空飄香雙袖裏亂曲五絃中試上高樓聽悲
響定無窮

詠新婚

周弘正

莫愁年十五來聘子都家婚顏如美玉婦色勝
桃花帶啼疑暮雨含笑似朝霞暫却輕紈扇傾
城判不賒

豔歌行

張正見

城隅上朝日斜輝照杏梁併捲茱萸帳爭移翡
翠床縈環聊向牖拂鏡且調妝裁金作小靨散
麝起微黃二八秦樓婦三十侍中郎執戟超丹

地豐貂入建章未安文史閣獨結少年場鸞弧
貫葉影學劍動星芒翠蓋飛城曲金鞍橫道傍
調鷹向新市彈雀往睢陽行行稍有極暮暮歸
蘭房前瞻富羅綺左顧足鴛鴦蓮舒千葉氣燈
吐百枝光滿酌胡姬酒多燒荀令香不學幽閨
妾生離怨採桑

三婦豔

大婦織殘絲中婦妬蛾眉小婦獨無事歌罷詠
新詩上客何須起爲待絕纓時

白頭吟

平生懷直道松桂比真風語默妍媸際浮沉毀
譽中讒新恩易盡情去寵難終彈珠金市側抵
玉春山中含香老顏駟執戟異揚雄惆悵崔亭
伯幽思馮敬通王嬙沒故塞班女棄深宮春言
封履跡秋葉奪妝紅顏如花落槿鬢似雪飄蓬
此時積長歎傷年誰復同

有所思

深閨久離別積怨轉生愁徒思裂帛鴈空上望
歸樓看花憶塞草對月想邊秋相思日日暮淚
臉年年流

置酒高殿上

陳王開甲第粉壁麗椒塗高窓侍玉女飛閣敞
金鋪名香散綺幕石墨彫金鑪清醪稱玉饋浮
蟻擅蒼梧鄒嚴恒接武申白日相趨容與升階
玉差池曳履珠千金一巧笑百萬兩鬟姝趙姬
朱鼓瑟齊客罷吹竽歌喧桃與李琴挑鳳將雛
魏君慙舉白晉主愧投壺風雲更代序人事有
榮枯長卿病消渴壁立還成都

採桑

春樓曙鳥驚蠶妾候初晴迎風金珥落向日玉

叙明徒顧移籠影攀鈎動釧聲葉高知手弱枝
軟覺身輕人多羞借問年少怯逢迎恐疑夫婿
遠聊復答專城

銅雀臺

淒涼銅雀晚搖落墓田通雲慘當歌日松吟欲
舞風人踈瑤席冷曲罷總帷空可惜年将泪俱
盡望陵中

怨詩

新豐妖冶地遊俠競嬌奢池臺間羅綺桃李雜
煙霞盖影分連騎衣香合並車艷粉驚飛蝶紅

妝映落花舞衫飄冶袖歌扇掩團沙玉床珠帳
捲金樓鏡月斜還疑簫史鳳不及季倫家

山家閨怨

玉孫春好遊雲鬢不勝愁離鴻暫罷曲別路已
驚秋山中桂花晚勿爲俗人留

薄帷鑒明月

長河上桂月澄彩照高樓分簾疑碎壁隔幔似
垂鈎窗外光恒滿閨中影暫留豈及西園夜長
隨飛盖遊

關山月

陸瓊

邊城與明月俱在關山頭
焚烽望別壘擊斗宿
危樓團團婕妤扇
纖纖秦女鈎
鄉園誰共此愁
人屢益愁

長河土有所思

別念限城闈還思樓上人
淚想離前落愁聞別
後新月來疑舞扇花
度憶歌塵只看今夜裏
那似隔河津

雉子班

江總

菱壘新秋來澤雉屢徘徊
依依花似脇妬拂草乍
驚媒三春桃照李二月柳
爭梅暫往如臯路當

今巧笑開

春草玉携手上河梁

早秋天氣涼分手關山長
雲愁數處黑木落幾
枝黃鳥歸猶識路流去
不知鄉秦川心斷絕何
悟是河梁

萬里音病婦行

窈窕懷真室風流挾琴婦
唯將角枕卧自隱啼
妝又羞開翡翠帷懶對
蒲萄酒深悲在縑素託
意忘箕箒夫婚府中趨
誰能大垂手

弄玉秦簫史曲

弄玉秦家女簫史仙處童來時兔月滿去後鳳
樓空密笑開還歛浮聲咽更通相期紅粉色飛
向紫烟中紫驕馬折楊柳春草正萋萋蕩婦出空閨誰識東方騎猶帶北
風嘶揚鞭向柳市細蹠上金堤願君憐織素殘

妝尚有啼

七夕

漢曲天榆冷河邊月桂秋婉孌期今夕飄飄度
淺流輪隨月宿轉路逐彩雲浮橫波翻瀉淚東
素反緘愁此時機杼息獨向紅妝羞

詠琴

可憐嶧陽木雕爲綠綺琴田文垂睫淚卓女弄
弦心戲鶴聞應舞游魚聽不沉楚妃幸勿歎此
異丘中吟和衡陽王殿下高樓看妓

起樓侵碧漢初日照紅妝
弦心艷卓女曲誤動
周郎並歌時轉黛息舞
暫分香挂纓銀燭下莫
笑玉釵長

和張源傷往詩

小婦當壚夜夫婚凱師年
正歌千里曲翻入九重
泉機中未斷素琴上已
留絃空帳臨牕掩孤
燈向壁燃還悲塞隴暗
松短未生烟

別袁昌州

河梁望隴頭分手路悠悠
徂年驚若電別日欲
成秋黃鶻飛飛遠青山
去去愁不言雲雨散更

似東西流

八音詩

沈炯

金屋貯阿嬌樓閣起迢迢
石頭足年少大道跨
河橋絲桐無緩節羅綺自
飄颻竹煙生薄晚花
色亂春朝匏瓜詎無匹
神女嫁蘇韶土地多妍
冶鄉里足塵躡革年未
相識聲論動風飈木桃
堪底用寄以荅瓊瑤

爲我彈清琴

爲我彈清琴琴鳴傷我襟
半死無人覺入竈始
知音空爲貞女引誰達
楚妃心雍門何假說落

淚自滂滂貞女何惜淚公夜門何如

為非戰侯司空宅詠妓蘇牛山人劉刪

石家金谷妓粧罷出蘭閨看花只欲笑聞瑟不

勝啼山邊歌落日池上舞前溪將人當桃李何

處不成蹊吳思玄

金風響洞房佳人心自傷淚隨明月下愁逐漏

聲長燈前羞獨鵲枕上怨孤凰自覺鴛帷冷誰

憐珠被涼

蘇子卿

梅花落

蘇子卿

中庭一樹梅寒多葉未開祇言花是雪不悟有

香來上郡春恒晚高樓年易催織書偏有意教

逐錦文迴

南征文對上戰琴

一朝遊桂水萬里別長安故鄉夢中近邊愁酒

上寬劍鋒但須利戎衣不畏單江南地氣暖少

婦早愁寒

豔歌行二首

顧野王

豔歌行其一

夕臺行雨度朝梁照日輝東城採桑返南市數

錢歸長歌挑碧玉羅塵笑洛妃欲知歡未盡樓
烏已夜飛其一

其二

東隅麗春日南陌採桑時樓中結梳罷提筐候
早期風輕鶯韻緩露重落花遲五馬光長陌千
騎絡青絲使君徒遣信賤妾畏蠶饑

詠鄰女樓上彈琴

吳尚野

青樓誰家女開牕弄碧弦貌同朝日麗裝兢午
花燃一彈哀塞馬再撫哭春鶻此情人不會東
風千里傳

班去趙姬升

徐堪

班姬與飛燕俱侍漢王宮不意恩情歇偏將衰
草同香飛金輦外苔上玉階中今日悲團扇非
是為秋風

銅雀臺

荀仲舉

高臺秋色晚直望已凄然况復歸風便松聲入
斷絃淚逐梁塵下心隨團扇捐誰堪三五夜空
對月光圓

班婕妤怨

何楫

齊統既入筐趙舞即凌人履跡隨恩故階苔逐

恨新獨卧銷香炷長啼費錦巾庭草何聊賴也
將秋當春

樓日折揚柳

王璫

塞外無春色上林柳已黃枝影侵雲暗葉彩亂
星光陌頭藏戲鳥樓上掩新粧攀折思爲贈心
期別路長

中婦織流黃

盧詢

別人心已怨愁空日復斜然香望韓壽磨鏡待
秦嘉殘絲愁績爛餘織恐練除支機一片石緩
轉獨輪車下簾還憶月挑燈更惜花似天河上

景春時織女家

酬蕭侍中春園聽妓

李元操

微雨散芳菲中園照落暉紅樹搖歌扇綠珠飄
舞衣繁絃調對酒雜引動思歸愁人當此夕羞
見落花飛

採桑

賀徹

蠶妾出房攏結伴勝花叢度水春衫綠映日晚
妝紅釧聲時繞樹衣香自入風鈎長嫩枝曲葉
盡細條空競採須盈手爭歸欲滿籠自憐公府
步誰與少年同

步韻與少平同

畫睇斜空疏林影盈半半歸心欲歸自對公栢

妍珠陸聲海島樹木青白入風隨身嫩林曲葉

鸞妾出泉跡故半袖亦蕙夏木春行懸期日與

村桑

質端

具茶外游

異木繁茂臨性酥餅行隨思飄想入當北父蓋

燭雨惜苦菲中國與茶軒以樹於得辰縣莊廳

春園知效

李示縣

續玉臺新詠卷一

續玉臺新詠卷二目錄

梧野草堂續編

裴讓之

有所思

王容

大堤女

王德

春詞

周南

晚妝

續玉臺新詠卷二目錄

蕭放

冬夜詠妓

馬元熙

日晚彈琴

蕭撝

孀婦吟

王褒

古曲

明君詞

續玉臺新詠卷二目錄終

續玉臺新詠卷二

梧野草堂續選

有所思

裴讓之

夢中雖暫見及覺始知非展轉不能寐徒倚獨披衣淒淒曉風急朧朧月光微室空常達旦所思終不歸

大堤女

王容

寶髻耀明璫香羅鳴玉珮大堤諸女兒一一皆春態入花花不見穿柳柳陰碎東風拂面來由來亦相愛

宋亦春詞

王德

春花綺綉色春鳥絃歌聲春風復蕩漾春女亦
多情愛將鶯作友憐傍錦爲屏回頭語夫婿莫
負艷陽征

晚粧

周南

青樓誰家女當窓啓明月拂黛雙蛾飛調脂艷
桃發舞罷鸞自羞妝成淚仍滑願託嫦娥影尋
卽縱燕越

冬夜詠妓

蕭放

佳麗盡少年合暝不成眠銀龍啣燭焰金鳳起

爐烟吹篴先弄曲調箏更撮絃歌還團扇後舞
出妓行前絕代終難及誰復數神仙

日晚彈琴

馬元熙

上客敞前扉鳴琴對晚暉掩抑歌張女淒清奏
楚妃稍視紅塵落漸覺白雲飛新聲獨見賞莫
恨知音稀

孀婦吟

蕭撝

寒夜靜房櫳孤妾思偏叢悲生聚絀黛淚下侵
粧紅蓄恨營心裏含啼歸帳中會須明月落那
忍見床空

古曲

王褒

青樓臨大道。遊俠盡淹留。陳王金被馬。秦女桂
為鈎。馳輪洛陽巷。鬪鷄南陌頭。薄暮風塵起。聊
為清夜遊。

明君詞

蘭殿辭新寵。椒房餘故情。鴻飛漸南陸。馬首倦
西征。寄書參漢使。啣涕望秦城。惟餘馬上曲。猶
作出關聲。

續玉臺新詠卷二

續玉臺新詠卷三目錄

梧野草堂續編

盧思道

日出東南隅行

權歌行

有所思

採蓮曲

夜聞鄰妓

薛道衡

明君詞

昔昔鹽

辛德源

短歌行效

芙蓉花

虞茂

衡陽王齋閣奏妓

松公瞻

同心芙蓉

李巨仁

和陳王詠鏡

張文恭

七夕

王春

七夕

魏彥深

初夏應詔

石榴

丁六娘

十索五首

僧法宣

曾愛妾換馬

十索五首

丁六歌

百辭

陳夏惠信

騷詩

少文

王春

續玉臺新詠卷三目錄

續玉臺新詠卷三

身絲麻地餘風人

梧野草堂續編

日出東南隅行

盧思道

初月正如鈎懸光入綺樓中有可憐妾如恨亦
如羞深情出艷語密意滿橫眸楚腰寧且細孫
眉本未愁青玉勿當取雙銀詎可留會待東方
騎遙居最上頭

權歌行

秋江見底清越女復傾城芳舟共採摘最得可
憐名落花流寶珥微吹動香纓帶垂連理濕權

舉木蘭輕避人傳細語因波寄遠情誰能結錦
纜薄暮隱長汀

有所思

長門與長信憂思並難任洞房明月下空庭綠
草生怨歌裁潔素能賦受黃金復聞隔湘水猶
言限桂林悽悽日已暮誰見此時心

採蓮曲

曲浦戲妖姬輕盈不自持擎荷愛圓水折藕弄
長絲珮動裙風入妝銷粉汗滋菱歌惜不唱須
待暝歸時

夜聞鄰妓

倡樓對三道吹臺臨九重笙隨山上鶴笛奏水
中龍怨歌聲易斷妙舞態難逢誰能暫留客解
珮一相從

明君詞

薛道衡

我本良家子充選入椒庭不蒙女史進更無盡
師情蛾眉非本質蟬鬢改真形專由妾命薄誤
使君恩輕啼落渭橋路歎別長安城今夜寒車
宿明朝轉蓬征却望關山迥前瞻沙漠平胡風
帶秋月嘶馬雜笳聲毛裘易羅綺氈帳代金屏

自知蓮臉歇羞看菱鏡明釵落終應棄髻解不
須縈何用單于重詎假闕氏名馱馱聊疆食筒
酒未能傾心隨故鄉斷愁逐塞雲生漢宮如有
憶爲視旄頭星

昔昔鹽

垂柳覆金堤藤蕪葉未齊水溢芙蓉沼花飛桃
李蹊採桑秦氏女織錦竇家妻關山別蕩子風
月守空閨恒斂千金笑長垂雙玉啼盤龍隨鏡
隱彩鳳逐帷低飛魂同夜鵲倦寢憶晨鷄暗牖
懸蛛網空梁落燕泥前年過代北今歲往遼西

一去無消息那能惜馬蹄

短歌行

辛德源

馳射罷金溝戲笑上雲樓少妻鳴趙瑟侍妓轉
吳謳杯度浮香滿扇舉細塵浮星河耿涼夜飛
月豔新秋忽念奔駒促彌欣執燭遊

芙蓉花

洛神挺疑素文君拂豔紅麗質徒相比鮮彩兩
難同光臨照波日香隨出岸風涉江良自遠託
意在無窮

衡陽王齋閣奏妓

虞茂

金溝低御道玉管正迎風拾翠天津上迴鸞鳥
路中鏡前看月近歌處覺塵空今宵織女見言
是望仙宮

同心芙蓉

松公瞻

灼灼荷花瑞亭亭出水中一莖孤引綠雙影共
分紅色奪歌姬臉香亂舞衣風名蓮自可念况
復兩心同

和陳王詠鏡

李巨仁

魏宮知本姓秦樓識舊名鳳從臺上出龍就匣
中生無波風自動不夜月恒明非惟照佳麗復

得厭山精

七夕

張文恭

鳳律驚秋氣龍梭靜夜機星橋百枝動雲路七
香飛映月迴雕扇凌雲曳綺衣含情向華屋流
態入重闌懽餘夕漏盡怨結曉驂歸誰念分河
漢還憶兩心違

七夕

王春

天河橫欲曉鳳駕儼應飛落月移粧鏡浮雲動
別衣懽逐今宵盡愁隨還路歸猶將宿夕淚更
上去年機

初夏應詔

魏彥深

雖度芳春節物色尚餘華
出簾飛小燕映戶落殘花
舞衫飄細縠歌扇掩輕紗
蘭房本宜夜不畏日光斜

石榴

分根金谷裏移植玉庭中
新枝含淺綠晚萼散輕紅
影入環堦水香隨度隙風
路遠無由寄徒念春闈空

十索 五首

丁六娘

其一

爲性愛風光偏憎良夜促
曼眼腕中嬌相看無厭足
懽情不耐眠從郎索花燭

其二

君言花勝人人今去花近寄
語落花風莫吹花落盡欲作勝
花粧從郎索紅粉

其三

二八好容顏非意得相關
逢桑欲採折尋枝倒懶攀
欲呈纖纖手從郎索指環

其四

含嬌不自轉送眼勞相望
無柰關情絆共入同

續玉臺新詠卷三 五
心帳欲防人眼多從郎索錦障
蘭房下翠帷蓮帳舒鴛錦懽情宜早暢密意須
同寢欲共作纏綿從郎索花枕
其五

愛妾換馬

僧法宣

朱鬣飾金鑣紅粧束素腰似雲來蹀躞如雪去
飄飄桃花含淺汗柳葉帶餘嬌騁先將獨立雙
絕難俱標 其二

續玉臺新詠卷三

續玉臺新詠卷四目錄

梧野草堂續編

陳後主

玉樹後庭花

烏栖曲 三首

長相思 二首

獨酌謠

徐陵

長相思 二首

烏栖曲

沈君攸

薄暮動弦歌

張正見

賦得佳期竟不歸

陸瓊

長相思

江總

東飛伯勞歌

宛轉歌

烏棲曲

長相思二首

梅花落

雜曲三首

怨詩二首

閨怨

姬人怨

內殿賦新詩

新寵美人二首

蕭淳

長相思

顧野王

艷歌行二首

王璩

長相思

徐伯陽

日出東南隅行

岑之敬

烏拙曲

傅縡

雜曲

魏收

挾琴歌

王褒

日出東南隅行

燕歌行

高句驪

隋煬帝

白紵歌二首

盧思道

從軍行

薛道衡

蕭豫章行

辛德源

前東飛伯勞歌

虞茂

白紵歌二首

日出東南照

續玉臺新詠卷四目錄

續玉臺新詠卷四

梧野草堂續選

玉樹後庭花

陳後主

麗宇芳林對高閣
新妝豔質本傾城
映戶凝嬌乍不進
出帷含態笑相迎
妖姬臉似花含露
玉樹流光照後庭

烏栖曲 三首

其一

陌頭新花歷亂生
葉裏春鳥送春情
長安遊俠無數伴
白馬驪珂路中滿

其二

金鞍向暝欲相連玉面俱要來帳前含態眼語
懸相望翠帶羅裙入為解

其三

合歡襦薰百和香床中被織兩鴛鴦烏啼漢沒
天應曙只持懷抱送郎去

長相思 二首

其一

長相思久相憶關山征戍何時極望風雲絕音
息上林書不歸迴紋徒自織羞將別後面還似

初相識

其二

長相思怨成悲蝶縈草樹遶絲庭花飄散飛入
帷帷中看隻影對鏡斂雙眉兩見同望月兩別
共春時

獨酌謠

獨酌謠獨酌起中宵中宵照春月初花發春朝
春花春月正徘徊一樽一絃當夜開聊奏孫登
曲仍斟畢卓杯羅綺徒紛亂金翠轉遲回中心
本如水疑志更同灰逍遙自可樂世語世情哉

本咬水長相思 二首

徐陵

其一

長相思望歸難傳聞奉詔戍臯蘭
龍城遠鴈門寒愁來瘦轉劇
衣帶自然寬念君今不見誰為
抱腰看

其二

長相思好春節夢裏恒啼悲不洩
帳中起窓前髻柳絮飛還聚
遊絲斷復結欲見洛陽花如君
隴頭雪

烏棲曲

卓女紅妝期此夜胡姬沽酒誰論價
風流荀令好兒郎偏能傳粉復薰香

薄暮動弦歌

沈君攸

柳谷向夕沉餘日蕙樓臨砌徙斜光
金戶半入藜林影蘭徑時飄落
葉香絲繩玉壺傳綺席秦箏趙瑟響
高堂舞裙拂履喧珠珮歌響出扇透
塵梁雲透雪飛弦柱促留賓但願羅袖長
日暮歌鐘恒不倦處處行樂為時康

賦得佳期竟不歸

張正見

良人萬里向河源倡婦三秋思柳園
路遠寄書

空織錦宵長夢返欲驚魂飛蛾屢繞帳前燭衰
草還侵堦上玉含啼拂鏡不成妝促柱繁絃還
亂曲時念年移竟不歸偏憎寒急夜縫衣流螢
映月明空帳踈葉從風入斷機自對孤鸞向影
絕終無一鴈帶書飛

長相思

陸瓊

長相思久離別一罷鴛文綺薦絕鴻已去柳堪
結室冷鏡凝冰庭幽花似雪容貌朝朝改書字
看看減

東飛伯勞歌

江總

南飛烏鵲北飛鴻弄玉蘭香時會同誰家可憐
出牕牖春心百媚勝楊柳銀床金屋挂流蘇寶
鏡玉釵橫珊瑚年時二八新紅臉宜笑宜歌羞
更歛風花去去杳不歸祇為無雙惜舞衣

華茵不苑轉歌前

七夕天河白露明八月濤水秋風驚樓中恒聞
哀響曲塘上復有辛苦行不解何意悲秋氣直
置無秋悲自生不怨堦前促織鳴偏愁別路擣
衣聲別燕參差自有逐離蟬寂寞詎含情雲聚
懷情四望臺月冷相思九重觀欲題芍藥詩不

成來採芙蓉花已散金樽送曲韓娥起玉柱調
弦楚妃歎翠眉結恨不復開寶鬢迎秋度前亂
湘妃拭淚麗貞筠莢藥浣衣何處入步步香飛
金薄履盈盈扇掩珊瑚唇已言採桑期陌上復
能解珮就江濱競入華堂要花枕爭開羽帳奉
華茵不惜獨眼前下釣欲許便作後來新後來
暝暝同玉床可憐顏色無比方誰能巧笑特窺
井乍取新聲學繞梁宿處留嬌墮黃珥鏡前含
笑弄明璫採菘摘心心不盡茱萸折葉葉更芳
已聞能歌洞簫賦詎是故愛邯鄲媼華家百樹

栖烏曲

桃花春水木蘭橈金羈翠蓋聚河橋隴西上計
應行去城南美人啼著曙

長相思 二首

其一

長相思久離別征人去遠芳音滅湘水深隴頭
咽紅羅斗帳裏綠綺清絃絕逶迤百尺樓愁思
三秋結

其二

長相思久別離春風送燕入簷窺暗開脂粉弄

花枝紅樓千愁色玉筋兩行垂心心不相照望
望何由知

梅花落

臘月正日早驚春衆花未發梅花新可憐芬芳
臨玉臺朝攀晚折還復開長安少年多輕薄兩
兩共唱梅花落滿酌金卮催玉柱落梅樹下宜
歌舞金谷萬株連綺薨梅花密處藏嬌鸞桃李
佳人欲相照摘葉牽花來共笑楊柳條青樓上
輕梅花色白雲中明橫笛短簫淒復切誰知栢
梁聲不絕

雜曲三首

其一

行行春徑靡蕪綠織素那復解琴心乍愜南階
悲綠草誰堪東陌怨黃金紅顏素月俱三五夫
婿何在今追虜關山隴月春雪冰誰見人啼花

照戶

其二

其三

殿內一處起金房便勝餘人白玉堂珊瑚掛鏡
臨網戶芙蓉作帳照雕梁房櫳宛轉垂翠幕佳
麗逶迤隱珠箔風前花管颺難留舞麴花鈿低

不落陽臺通夢太非真洛浦凌波復不新曲中
唯聞張女調定有同姓可憐人但願私情賜斜
領不願傍人來相比妾門逢春自可榮君面未
秋何意冷

其四

泰山言應可轉移新寵不信更參差合懽錦帶
鴛鴦鳥同心綺袖連理枝皎皎新秋明月開早
露飛螢暗裏來鯨燈落花殊未盡虬水銀箭莫
相催非是神女期河漢別有仙姬入吹臺未眠
解著同心結欲醉那堪連理杯後宮不愜茱萸

芳夜夜爭開蘇合房寶釵翠鬢還相似朱唇玉
面非一行新人未語言如澀新寵無前判不藏
願奉更衣蘭麝氣恐君馬到自驚香

怨詩二首

其一

採桑歸路河流深憶昔相期栢樹林柰許新繡
傷妾意無由故劍動君心

其二

新梅嫩柳未障羞情去恩移那可留團扇篋中
言不分纖腰掌上詎勝愁

言不食 閨怨

寂寂青樓大道邊紛紛白雪綺窓前池上鴛鴦
不獨自帳中蘇合遠空然屏風有意障明月燈
火無情照獨眠遼西冰凍春應少薊北鴈來路
幾千望君關山及早度念妾桃李片時妍

姬人怨

天寒海水慣相知空床明月不相宜庭中芳桂
憔悴葉井上疎桐零落枝寒燈作花羞夜短霜
鴈多情恒結伴非為隴水望秦川直置思君腸
自斷薄命夫婚好神仙送愁高飛向紫烟金丹

欲成猶百鍊玉酒新熟幾千年妾家邯鄲好輕
薄特忿仙童一丸藥自悲行處綠苔生何悟啼
多紅粉落莫輕少婦狎春風羅襪也得步河宮
雲車欲駕應相待羽衣未去幸須同不學簫史
還樓上會逐姮娥戲月中

內殿賦新詩

兔影脉脉照金鋪虬水滴滴瀉玉壺綺翼雕甍
邇雲漢虹梁紫柱麗黃圖風高暗綠凋殘柳雨
駛芳紅濕晚笑三五二八佳年少百萬千金買
歌笑偏著故人織素詩願奏秦聲採蓮調織女

今夕渡銀河當見新秋停玉梭

新寵美人二首

其一

後宮唯聞莫瓊樹絕世復有宋容華皆自爭名
進女弟定覺雙飛勝蕩家願並迎春比翼燕長
作照日同心花聞道艷歌時易調忖許新恩那
久要翠眉未盡自生愁玉臉含啼還似笑角枕
千嬌薦芬香若使琴心一曲奏幽蘭度曲不可
終陽臺夢裏自應通秋樹相思一枝綠爲插賤
妾兩鬟中

其二

洛浦流風漾淇水秦樓初日度陽臺玉軼輕輪
五香散金燈夜火百花開非是妖姬渡江日定
言神女隔河來來時向月別嫦娥別時清吹悲
蕭史數錢捨翠爭佳麗拂紅點黛何相似本持
纖腰惑楚宮暫迴鸞袖驚吳市新人羽帳掛流
蘇故人網戶織蜘蛛梅花柳色春難遍情來春
去在須臾不用庭中賦綠草但願思著弄明珠

長相思

蕭淳

長相思久離別新燕參差篠可結壺闕遠鴈書

絕對雲恒憶陣看花復愁雪猶有望歸心流黃
未剪裁

艷歌行二首

顧野王

其一

燕姬妍趙女麗出入王宮公主第倚鳴瑟歌未
典調弦八九弄度曲兩三章唯欣春日永詎愁
秋夜長歌未央倚鳴瑟輕風飄落葉乳燕巢蘭
室結羅帷翫朝日窓開翠幔卷粧罷金星出爭
攀四照花競戲三條術

其二

齊娼趙女盡妖妍珠簾玉砌併神仙莫笑人來
最落後能使君恩得度前豈知洛渚羅塵步詎
減天河秋夕渡妖姿巧笑能傾城那思他人不
憎妬蓮花藻井推芰荷採菱妙曲勝陽阿
暮以望長相思

王嵒

長相思又離別兩心同憶不相徹悲風淒愁雲
結柳葉眉上消菱花鏡中滅鴈封歸飛斷鯉素
還流絕

前蘇林日出東南隅行

徐伯陽

丹城璧日映朱扉青樓含照本暉暉遠映陌上

春桑葉斜入秦家細綺衣羅敷妝粉能佳麗鏡
前新梳倭墮髻圓籠裊裊掛青絲鐵鈎冉冉勝
丹桂蠶饑日晚慙生愁忽逢使君南陌頭五馬
停珂遣借問雙臉含嬌特好羞妾婿府中輕小
吏即今來往專城裏欲識東方千騎歸藹藹日
暮紅塵起

王勃
曾取畫鳥樓曲

駮馬直去沒浮雲河渡水開兩岸分鳥藏日暗
行人息空樓隻影長相憶明月二八照花新當
壚十五晚留賓

雜曲

傅緯

新人新寵住蘭堂翠帳金屏玳瑁梁叢星不似
珠簾色度月還如粉壁光從來著名推趙子復
有丹唇發皓齒一嬌一態本難逢如畫如花定
相似樓臺宛轉曲皆通絃管逶迤徹下風此殿
笑語長相共傍省歡娛不復同訝許人情太厚
薄分恩賦念能斟酌多作繡被爲鴛鴦長弄綺
琴憎別鶴今人投寵要須堅會使歲寒恒度前
共取辰星作心抱無轉無移千萬年

挾琴歌

魏收

春風宛轉入曲房。兼送小苑百花香。白馬金鞍去未返。紅妝玉筍不成行。

日出東南隅行

王褒

曉星西北沒。朝日東南隅。陽窓臨玉女。蓮帳照金鋪。鳳樓稱獨立。絕世良所無。鏡懸四龍網。枕畫七星圖。銀鞍明光帶。金地織成襦。調絃大垂手。歌曲鳳將雛。採桑三市路。賣酒七條衢。道逢五馬客。夾轂來相趨。將軍多事藝。夫婿好形模。高箱照雲母。壯馬飾當鑪。單衣火浣布。利劍水精珠。自知心所愛。仕宦執金吾。飛薨彫翠羽。繡

楠畫屠蘇銀燭。附彈映雞羽。黃金步搖動。襜褕兄弟五日時。來歸高車竟。道生光輝名。娼兩行堂上起。鴛鴦七十階。前飛少年任。俠輕年月珠。丸出彈。遂難追。

燕歌行

初春麗日鶯欲嬌。桃花流水沒河橋。薔薇花開百重葉。楊柳拂地數千條。隴西將軍號都護。樓蘭校尉稱嫖姚。自從昔別春燕分。經年一去不相聞。無復漢地長安月。惟有漠北薊城雲。淮南桂中明月影。流黃機上織成文。充國將軍屢築

營陽史討虜陷平城。城下風多能却車。沙中雪
淺詎停兵。屬國少婦猶年少。羽林輕騎散征行。
遙望陌頭採桑曲。猶勝邊地胡笳聲。胡笳向暮
使人泣。還使閨中空佇立。桃花落杏花舒。桐生
井底寒葉踈。試爲來看上林鳥。必有遙寄隴頭
書。

高句驪

蕭蕭易水生波。燕趙佳人自多。傾杯覆盃淮淮。
垂手奮神娑娑。不惜黃金散盡。惟餘白日蹉跎。

白紵歌

隋煬帝

東宮春

洛陽城邊朝日輝。天淵池前春燕歸。含露桃花
開未飛。臨風楊柳自依依。小苑花紅洛水綠。清
歌宛轉繁絃促。長袖逶迤動珠玉。千年萬歲陽

春曲

祭天天江都夏

梅黃雨細麥秋輕。楓樹蕭蕭江水平。飛樓倚觀
軒若驚。花簾羅帷當夏清。菱潭落日雙鳧舫。綠
水紅妝兩搖漾。還似扶桑碧海上。誰肯空歌採
蓮唱。

戰馬

從軍行

盧思道

朔方烽火照甘泉，長安飛將出祁連。
犀渠玉劍良家子，白馬金羈俠少年。
平明掩月屯右地，薄暮魚麗逐左賢。
谷中石虎經銜箭，山上金人曾祭天。
天涯一去無窮已，薊門迢遞三千里。
朝見馬嶺黃沙合，夕望龍城陣雲起。
庭中奇樹已堪攀，塞外征人殊未還。
白雲初下天山外，浮烟直向玉原間。
關山萬里不可越，誰能坐對芳菲月。
流水本自斷人腸，堅冰舊來傷馬骨。
邊庭節物與華異，冬霰秋霜春不歇。
長風蕭蕭渡水來，歸

鴈連連映天末，從軍行軍行萬里出龍庭。
單于渭橋今已拜，將軍何處覓功名。

豫章行

薛道衡

江南地遠接閩甌，東山英妙屢經遊。
前瞻疊障千重阻，却帶驚湍萬里流。
楓葉朝飛向京洛，文魚夜過歷吳洲。
君行遠度茱萸嶺，妾住長依明月樓。
樓中愁思不開嘔，始復臨窓望早春。
鴛鴦水上萍初合，鳴鶴園中花併新。
空憶常時角枕麴，無復前日畫眉人。
照骨金環誰用許，見膽明鏡自生塵。
蕩子從來好留滯，况復關山遠迢遞。

當學織女嫁牽牛莫學嫦娥叛夫婿偏訝思君
無限極欲罷欲忘還復憶願作王母三青鳥飛
去飛來傳消息豐城雙劍昔曾離經年累月復
相隨不畏將軍成父別只恐封侯心更移

東飛伯勞歌

辛德源

合歡芳樹連理枝荆王神女乍相隨誰家妖艷
蕩輕舟含嬌轉眄騁風流犀棹蘭橈翠羽蓋雲
羅霧縠蓮花帶女兒年幾十六七玉面新妝映
朝日落花從風俄度春空留可憐何處新

白紵歌

虞茂

江都夏

長洲茂苑朝夕池映日含風結細漪坐當伏檻
紅蓮披雕軒洞戶青蘋吹輕幌芳烟鬱金馥綺
簷花簾桃李枝蘭苕翡翠恒相逐桂樹鴛鴦恒
並宿

長安秋

露寒臺前曉露清昆明池水秋色明搖環動珮
出層城鷓鴣絃鳳管奏新聲上林蒲桃合縹緲
泉竒樹上葱青玉人當歌理清曲婕妤恩情斷
還續

吳蘇

泉音樹上... 出曾如... 露寒臺前... 並寄

續玉臺新詠卷四

續玉臺新詠卷五目錄

梧野草堂續編

陳後主

自君之出矣

舞媚娘

許儷

破扇

張正見

明君詞

江總

長安九日

賈馮吉

自君之出矣

蕭琳

隔壁聽妓

陳叔達

詠空鏡臺

殷謀

日出東南隅行

陳少女

馮淑妃

感琵琶絃

周明帝

詠摘花

隋煬帝

刺江陵女歌

喜春遊歌 二首

春江花月夜 二首

薛道衡

詞人日思歸

何妥

明君詞

陳伯材

七夕看新婦隔巷停車

詠春雪

李月素

贈情人

羅愛愛

閨思

秦玉鸞

憶情人

蘇蟬翼

因故人歸作

張碧蘭

寄阮郎

音河

飛雲

因姑入

蕙

續玉臺新詠卷五目錄

續玉臺新詠卷五

君之出矣
梧野草堂續選

自君之出矣

陳後主

自君之出矣
房空羅帳輕
思君如畫燭
懷心不見明

見明
南雲去良
朝北風來
為國斷不
降今日為

舞媚娘

淇水變新臺
春鑪當夏開
玉面含羞出
金鞍排

夜來
部賦聖
露對日
寒來土
春木
變華

破扇

許倪

蔽日無全影
迎風有半涼
不堪鄣巧
天猶足動

衣香無全濕 風有半涼不堪障

明君詞

張正見

塞樹暗胡塵 霜樓明漢月 淚染上春衣 憂變華年髮

長安九日

江綏

心逐南雲去 身隨北鴈來 故園籬下菊 今日為誰開

自君之出矣

賈馮吉

自君之出矣 紅顏轉憔悴 思君如明燭 煎心且 啣淚

隔壁聽妓

蕭琳

徒聞絃管切 不見舞腰迴 唯有歌梁共塵飛 一半來

詠空鏡臺

陳叔達

即今妝飾廢 凋零衢路間 嫦娥與明月 相共落關山

日出東南隅行

殷謀

秦樓出佳麗 正值朝日光 陌頭能駐馬 花處復添香

寄夫

陳少女

自君上河梁蓬首卧蘭房安得一櫺酒慰妾九迴腸

感琵琶絃

馮淑妃

雖蒙今日寵猶憶昔時憐欲知心斷絕應看膠上絃

詠摘花

周明帝

玉腕承花落花落腕中芳酒浮花不没花含酒更香

江陵女歌

隋煬帝

雨從天上落水從橋下流拾得娘裙帶同心結

兩頭

兩頭喜春遊歌二首

禁苑百花新佳期遊上春輕身趙皇后歌曲李夫木

步緩知無力臉慢動餘嬌錦袖淮南舞寶袜楚

宮腰

春江花月夜

暮江平不動春花滿正開流波將月去潮水共

星來

夜露含花氣春潭養月輝漢水逢游父湘川值

兩妃含淚春暈羞月軍寒木

是來 人日思歸 薛道衡

入春方七日離家已五年人歸落鴈後思發在

花前 今春玉於良時

宮豔 明君詞 何妥

昔聞別鶴弄已目軫離情今來昭君曲還悲秋

草并 禁城百七夕看新婦隔巷停車 陳伯材

隔巷遙停幃非復為來遲只言更尚淺未是渡

河時

詠春雪

光映妝樓月花承歌扇風欲妬梅爭柳故落早

春中

羽咬各贈情人 李月素

感郎千金意含嬌抱郎宿試作帷中音羞開燈

前目

羽去何 閨思 羅愛愛

幾當孤月夜遙望七香車羅帶因腰緩金釵逐

鬢斜

憶情人 承玉鸞

情

承玉鸞

情

承玉鸞

蘭幕虫聲切椒庭月影斜可憐秦館女不及洛陽花

因故人歸作

蘇蟬翼

郎去何太速郎來何太遲欲借一樽酒共叙十年悲

寄阮郎

張碧蘭

郎如洛陽花妾似武昌柳兩地惜春風何時一携手

續玉臺新詠卷五終

刻玉臺新詠後序

徐陵世膺陳彝恒猷厥訓乃進新詠十卷以備宮體陵沒摘藻之徒取以為則播之宮商散之間里幾四百餘年俗漓風下靈秘莫珍予夙悼之博求世家幸獲塵几篇殘簡亂憑證無由嘉靖己亥方子敬明購諸金陵歸而畀予予始刪其餘篇理其落翰進儷陳隋演為十五卷乃揖敬明與之校梓敬明曰先彥緣物而凝情達士因時

而敦尚時宗唐調而子獨擇遐音無乃拘
而未通乎予曰詩本諸民情始于風雅大
備於李唐自茲綺篇濤湧奇迹星稠誇古
絢今厥製復矣惜乎舍中天之璧而觀耀
于螢光棄未吐之華而馳情于朝麗崇古
君子豈媚于茲乎若陵所錄者開蹤漢魏
斷錦梁陳雖美韻未備夫九歌清響尚遺
乎三百然漢去古未遠文獻猶存而齊宋文
人陳隋才子大都爭崇屈賈競法曹王雲

箋積案不綴朝妍彩筆盈箱盡圖晚翠宣
之彤管尚聞漢水餘聲奏之朱絃猶見湘
江雅調誦而繹之可以頽繪歸玄滌瑕清
慮故新詠之於風騷其太羨之餘味乎太
素之餘質乎古人謂沿波而討源因岐而
迪邑不在茲與敬明曰若是則漢魏盡矣
三祖尚矣副以潘陸顏謝益以王鮑江何
亦足揚葩後代而載之新詠已百五十餘
人子復續以陳隋意者皆入室耳且夫物

有因標而後貴人或因名而後顯子盍析
其驪黃定其鄭雅俾觀者之弗駭焉予曰
魏晉以來蘭臺諸彥椒閣群英悉入美談
茲不復逮若夫晉乘未裁於孤筆虵珠徒
耀於袁門予嘗啜華窮似庶得其一二焉
是故子侯絕唱僅見嬌嬈綺密珠旋覲者
忘暮隴西夫婦雖多苦思然哀而不傷朴
而不野可謂勁木無淒吟冬林含繡色矣
蘇婦之詞盤中為最逸氣波流幽情淵蓄

垂芳青史良非溢稱傳玄恥競麗容殊乖
時好而名垂雙璧其亦瓊花散馥素月揚
輝者與楊方刻意慕古時或陋之信矣珠
媚大川誰覲其寶李充柔詞協鸞韻密意
薄春叢緣隙流光當為納忠良法劉鑠擬
古七篇便嬛綽約白紵諸調刻鳳雕龍是
蓋皓月紅顏爭輝于石室輕風麗藻並秀
于楊家惠休衮服嬌容構瓊縷玉武庫之
富何以加諸蕩遠濬發巧心詞青意婉辟

之桃含柔露柳帶輕雲飛譽當年或來後
誚令輝冶曲若未閑情然志逸秋霜非直
朝花飄艷情鍾春陌猶懷晚菊孤芳梁武
五言純朴效顰漢廣而龍笛清歌朝雲藻
韻則又揚蕤玉牖作倡江南昭明妙質夙
凝素而未繪假之以年可以踵騷宗雅柰
何秋蘭方茂冬霰遂零有才無命史載餘
悲簡文銳氣潮生竒蹤山積文羅珠翠矜
富于鸞宮碧樹珊瑚列珍于仙室名馳江

左詎謂過情湘東纖弱整媚勢亦悠然譬
之妖姬鶴舞尚整輕羅麗蕊風飄尤彰逸
態邇承家譽允矣克夷柳惲斂精耶谿千
辟萬灌績徵文縵匪特終朝子朗尚網履
夷擬素秋月而瑤光飛照自溢寰區江左
鸞聲僉曰靜婦意竒詞媚允協清評吳筠
隱耀含華卑世遠慕花蜚太素不假秦婦
窮思韻奏空濛未襲齊人幽唱僧孺麟超
虎步森然甲兵萬騎縱橫無復寸綠張率

音調玉瑟餘響淒然猶夫雀唳大皋風吟
萬壑費泉剪鱗規葉裂錦成蓮妙殫人能
暗偕天巧悱妻螭潛山鎮肅爾閨容三復
雅音足徵婦德思澄文踰黼黻律中絲桐
恨未淫菟浩資玄覽子顯飛華逐影落墨
盈臺迅越何平宜爾連珠鳳闕王筠藏琛
衡壤隱蚌漣漪必值良工斯彰巨寶肩吾
流音璿室濯錦江波啓秀謝披自我貽範
孝綽和宮叶羽鏤徵雕商譬之歌落空潭

簫鳴清漢聲流韻逸足以蕩慮新神孝威
委索派尋百川海納惜無秋烈以鑠奇衷
君猜學步循繩揚芬程蠱姬賢陶富完璧
無瑕叔英之妻頗事雕飾清辭削玉縉旨
飛霞方之蘇徐伯仲間耳鄧鏗月漾寒川
花迎媚日怡神悅目盈戶晴光後主兒筆
星流遊心八極龍父雲合瞬目千篇惜乎
忌素貪朱未可齊芳三祖正見秀而能實
質而有華妙迪彬彬誰譏過譽工揔幽情

宛轉舞瑤雪于迴風綺調芋眠原丹華于
春日伉名後主足稱雙環玉褒玉潤冰融
龍班鷺序駢驅庾府擅美周庭思道淵意
九迴流連春管詞鋒千仞峻務駕玄宮道衡
璧絡珠綿五都輸采電奔虹繞萬里馳光
茲皆積翠堆瓊流輝新詠者也若夫蕭瑟
周南含英于萼戶碧蘭蟬翼竊耀于青樓
特峙孤征其能殫述乎是蓋千花聯縵五
色爛熳春林六律分宮八音旋遶玉宇春

殘樂缺見之忘情則卞氏之珍終藏楚麓
毛生之穎安耀荆庭苟值賞心豈不我戾
于是萃明珠於洛汭集丹羽於女床庶使
淄澠異流蟾烏殊運遊江都者見萬戶之
皆春觀海陵者駭紅粟之流衍且夫詩有
三尚徃哲所欽情尚雅而淵事尚簡而備
詞尚典而妍蘇卿別韻劉婦離鳴非閑于
情者乎明君駿烈八樂清芬非妙于事者
乎鳳樓麗劫桂寢瑤篇非善于詞者乎三

與咸鑽酌而益之柳惲之精練孝綽之朗
暢肩吾之新奇鄧鏗之明養王褒之森嚴
道衡之清壯後主之嫵媚庾信之奔漲兼
蓄八珍以偕三奧則三靈溢目萬曜縈心
歛古今于須臾籠天地于一瞬含毫即雅
不待詞協二南染墨俱騷豈必文偕九辯
不斯耽叩徑涉餘波則羅綺塞明遐音益
邈譬之盈溝之水效勢于朝宗灼櫝之珠
晞光于午曜鮮不負矣吾子以爲何如敬

明曰善乃操觚傍鶩積貝編珠爰命梓人
而敬明已爲異物嗟乎九京永逝三篋未
忘撫迹懷人長悲何極敬明難言逾萬未
能悉陳聊述一二以徵歲月云爾嘉靖庚
子正月十五日徽郡梧野山人鄭玄撫識

